



Халқ сўзи

Ўзбекистон — келажаги буюк давлат

2022 йил — ИНСОН ҚАДРИНИ УЛУҒЛАШ ВА ФАОЛ МАҲАЛЛА ЙИЛИ

1991 йил 1 январдан чиқа бошлаган

WWW.XS.UZ

E-mail: info@xs.uz

2022 йил 26 ноябрь, № 255 (8317)

Шанба

Сайтимизга ўтиш учун QR-кодни телефонингиз орқали сканер қилинг.



БАРЧА МАСАЛАЛАРГА ХАЛҚ БИЛАН БАМАСЛАҲАТ ЕЧИМ ТОПИЛАДИ

Ўзбекистон Республикаси Президенти Шавкат Мирзиёев 25 ноябрь куни Навоий вилоятида бўлди.



Давлатимиз раҳбари ташир давомидида халқ депутатлари вилоят Кенгашининг навбатдан ташқари сессиясида қатнашди. Шунингдек, ҳудуддаги sanoat корхоналари фаолияти билан танишди, жойларда халқ билан мулоқот қилди, янги лойиҳаларни ишга туширишда иштирок этди.

Дастлаб, Навоий шаҳрида халқ депутатлари вилоят Кенгашининг навбатдан ташқари сессияси бўлиб ўтди.

Унда Ўзбекистон Республикаси Президенти Шавкат Мирзиёев иштирок этди.

Давлатимиз раҳбари сўзининг аввалида вилоят ахлига чуқур ҳурматини билдириб, сессияни очик мулоқот тарзида ўтказишни таклиф этди.

— Бугунги учрашувимиздан энг катта мақсад-муддаомиз — очик мулоқот. Навоий вилоятидаги 330 та маҳалла, 1 миллион 50 минг аҳолининг дардини баралла айтиб, чорасини топишимиз керак. Хурматли депутатлар, нурунийлар, ўғил-қизларим, юракдаги гапларингизни, жойлардаги муаммоларни очик айтсангиз, менга дўст бўласизлар. Ҳамма масалаларга халқимиз билан бамаслаҳат ечим топсак, натижа бўлади. Бу учрашувдан мен ҳам рози бўлайин, халқимиз ҳам рози бўлсин, — деди Шавкат Мирзиёев.

Мулоқотда Навоий вилояти ривожининг бугунги ҳолати таҳлил қилинди. Охириги уч йилда ҳудудда 2 миллиард долларлик йирик sanoat лойиҳалари ишга тушган. Бунинг натижасида 10 мингдан ортиқ янги иш ўринлари яратилиб, йилига қўшимча 1 триллион сўм солиқ тушуми ва 100 миллион доллар экспорт таъминланган.

Вилоятда иқтисодий янада ривожлантириш учун катта заҳира ва имкониятлар борлиги кўрсатиб ўтилди. Мисол учун, импорт бўлаётган маҳсулотларни кооперация асосида маҳаллий тадбиркорлар ишлаб чиқарса бўлади. Қишлоқ ҳўжалигида чорвачилик тармоғи тўла ишга солинмапти. Мева-сабзавот сақлаш қувватлари кам. Ижтимоий

соҳада ҳам аҳолини қийнаётган масалалар бор. Сессияда ташкилий масала кўрилди. Президент Навоий вилояти ҳокими лавозимига Нормат Турсунов номзодини тавсия этди.

Н. Турсунов 1972 йилда Тошкент вилоятида туғилган. Кўп йиллар давлат солиқ тизимида ишлаган. У 2021 йил ноябрь ойидан буён Навоий вилояти ҳокими вазифасини бажариб келмоқда.

Давлатимиз раҳбари номзодни лавозимга тасдиқлашдан аввал очик мулоқот қилиб, унинг режаларини эшитишни таклиф этди. Нормат Турсунов вилоятда тадбиркорлик, sanoat, қишлоқ ҳўжалигини ривожлантириш, аҳолига муносиб турмуш шароити яратиш бўйича режаларини тақдимот қилди. Президентимиз бу таклифларни маъқуллаб, уларни амалга ошириш чораларини белгилаб берди.

Тадбиркорликни ривожлантириш учун келгуси йилда 26 та маҳаллий sanoat маркази ва кичик sanoat зоналари ташкил этиш, оилавий тадбиркорлик дастурлари учун 600 миллион сўм йўналтириш вазифаси қўйилди. Умуман, Навоий вилоятини “камбағаллик ва ишсизликдан холи ҳудуд”га айлантириш мумкинлиги таъкидланди.

Саноат соҳасида келгуси йилда 186 та лойиҳани амалга ошириб, 15 мингта иш ўрни яратиш чоралари белгиланди. Бу импортни қисқартириб, экспортни 250 миллион долларга етказишда муҳим омил бўлади.

Хатирчи, Кармана, Навбахор, Қизилтепа ва Нурота туманларидаги 72 та маҳалла картошка, сабзавот, узум ва анор етиштиришга ихтисослаштирилган.

Давлатимиз раҳбари бу имкониятларни кенгайтириш учун мазкур маҳаллалар атрофидаги 5 минг гектарда сув таъминотини яхшилаш зарурлигини таъкидлади. Яйлов ўсимликлари урғуллиги ҳўжалиги, каврак плантациялари, агрологистика

марказларини ташкил этиш бўйича ҳам топшириқлар берилди. Ижтимоий соҳани ривожлантириш, мактаб ва бочалар барпо этиш, аҳолини уй-жой ва ичимлик суви билан таъминлаш масалаларига ҳам алоҳида эътибор қаратилди. Умуман, 2023 йилда вилоятда ижтимоий муаммоларни ҳал этишга қўшимча 655 миллиард сўм, оилавий тадбиркорликни ривожлантиришга яна 750 миллиард сўм ресурс ажратилиши маълум қилинди.

Тақдиротдан сўнг вилоят Кенгаши депутатлари номзоднинг режаларини муҳокама қилиб, ўз фикр-мулоҳазаларини билдирди. Навоий вилояти ҳокимини тайинлаш масаласи овозга қўйилди. Унинг натижаларига кўра, Нормат Турсунов Навоий вилоятининг ҳокими этиб тасдиқланди. Давлатимиз раҳбари белгиланган режалар энди ҳаётга кўчириш, барча ташкилотлар ҳоким атрофида таъкидлади, халққа хизмат қилиши кераклигини таъкидлади.

Сессиядан сўнг давлатимиз раҳбари навоийлик ёшлар билан мулоқот қилди.

— Мен қаерга бормайин, кўпроқ ёшлар билан учрашишга ҳаракат қиламан. Тараққиёт стратегиямида, ҳудудий дастурларда катта мақсадлар қўйганмиз. Агар давлат ташкилотлари, барча даражадаги раҳбарлар ёшлар масалалари билан мукамал шуғулланмас экан, бу марраларга эришиб бўлмайди, — деди Президент.

Навоийлик ёшлар иқтидорли, ҳамма соҳаларда фаол. Бу йил олий ўқув юртиларига кириш бўйича республикада биринчи ўринни эгаллашди. Халқро фан олимпиадалари, нуфузли мусобақалар ғолибларининг ҳам кўпчилиги Навоийдан.

Жорий йилда уюлмаган ёшлар ўртасида тадбиркорликни ривожлантириш учун 50 миллиард сўм маблағ берилиб, 13 минг 700 нафар йилгити қиз ўз йўлини топган. 1 минг 600 гектар экин майдони ажратилиб, 6 мингдан зиёд ёшлар банд-

лиги таъминланган. Шароити оғир талабаларга 6,5 миллиард сўм шартнома пуллари тўлаб берилган. — Фарзандларимизнинг ютуқлари, албатта, ҳаммамизни гурунландиради. Лекин бу билан чекланиб қолиш керак эмас. Ёшларимизнинг истагини, эҳтиёжини, эртанги кунини таъминлаш учун яна нималар қилсак бўлади? Билим ва касбларни эгаллаши, салоҳиятини юзага чиқариш учун қандай ёрдам бериш керак? Ана шу саволлар мени қийнайди, — деди Шавкат Мирзиёев.

Шу боис Президент ёшларнинг фикрлари, таклифларини эшитди. Ёшларнинг меҳнат бозорига талаб юқори бўлган касбларни ўрганиши ва иш топишига ёрдам берувчи янги платформани ишга тушириш вазифаси қўйилди. Саноат зоналарига ёшларни жалб этиш, яйловларга сув чиқариб, чорвачилик ташаббусларини Тадбиркорлик жамғармаси орқали қўллаб-қувватлаш бўйича кўрсатмалар берилди.

Навоий шаҳрида ихтисослаштирилган спорт мактаби ва маҳаллаларда спорт тўғрақлари ташкил этиб, ёшлар ўртасида спортни оммалаштириш муҳимлиги қайд этилди. Ёшлар жамғармасидан вилоятдаги 325 та мактабни китоб ва мусиқа асбоблари билан таъминлаш, маданий тадбирларни қўлайтириш масалаларига ҳам аҳамият қаратилди. Учрашувда илгари сурилган ташаббусларни амалга ошириш бўйича Навоий вилояти тажрибаси яратилиши белгиланди. Бу тизимнинг асосий мақсади ёшларни маънавий-маърифий ривожлантириш, бандлигини таъминлаш ҳамда бўш вақтларини мазмунли ташкил этиш бўлади. Президентнинг Навоий вилоятига ташир чотида “Зарафшон ойна” корхонасини ишга туширишга бағишланган маросим бўлди.

Маълумки, ойна саноат, қурилиш ва маиший ҳаётда энг кўп ишлатиладиган маҳсулотлардан.

Хусусан, юртимизда қурилиш ойнасига бўлган талаб йилига 38 миллион квадрат метр. Навоий вилояти эса пардозбоп тош, кварц қуми, базальт ва каолин захираларига бой.

Шу боис давлатимиз раҳбари 2018 йилда вилоятга ташир чотида ойна ишлаб чиқаришни йўлга қўйиш бўйича кўрсатма берган эди. Бугунга келиб 250 миллион долларлик ушбу лойиҳа ҳаётга кўчди.

Президент Шавкат Мирзиёев рамзий тугмани босиб, “Зарафшон ойна” корхонасини ишга туширди. — Ҳозиргача бундай корхоналар Фарғона ва Жиззахда бор эди. Мана, уларнинг сафига янги барпо этилган, кенг турдаги маҳсулотлар ишлаб чиқаришга ихтисослаштирилган “Зарафшон ойна” корхонаси ҳам қўшилмоқда. У келгусида янада ривожланиб, халқимизга хизмат қилишига ишонамиз, — деди Шавкат Мирзиёев.

Корхонанинг йиллик ишлаб чиқариш қуввати 12 миллион квадрат метр. Маҳсулотлар импорт ўрини босиб билан бирга экспортга ҳам мўлжалланган. Бу ерда 700 киши иш билан таъминланган.

Тадбирда Ҳозор шаҳридаги “Мармаробод” корхонаси билан ҳам видеолоқа орқали боғланилди. У мармар ва гранит тошларни қазиб олиб, қайта ишлашга ихтисослаштирилган. Хитой ва Эрон давлатларидан ускуналар олиб келиниб, муҳандис ва мутахассислар жалб қилинган. 300 киши иш билан таъминланган.

Давлатимиз раҳбари Навоий шаҳридаги “Гидро Станко Сервис” масъулияти чекланган жамияти фаолияти билан танишди.

Навоий вилояти sanoatлашган ҳудуд. Бу ерда тоғ-қон, металлургия, кимё, энергетика корхоналари кўп. Уларга, умуман, юртимиз sanoati ва қишлоқ ҳўжалигига машинасозлик маҳсулотлари доим зарур.

“Гидро Станко Сервис”да айнан шулар ишлаб чиқарилади. Бу ерда кооперация орқали 100 дан ортиқ қурилиш ва мингдан ортиқ турдаги эҳтиёт қисмлар маҳаллийлаштирилган. Нати-

жада 2021 йилда 12 миллион доллардан зиёд валюта маблағларини тежашга эришилган. Жорий йил якуни билан ишлаб чиқариш миқдори 23 миллион доллар бўлиши кутилмоқда.

Корхонага ускуналар Германия, Туркия, Италия ва Хитойдан келтириб ўрнатилган. 370 киши иш билан таъминланган.

Айни чоғда корхонада қуёв цехи ташкил этиш ва маҳсулотлар турини кўпайтириш устида иш олиб борилмоқда.

Президентимиз мутасаддиларга маҳаллийлаштириш даражасини ошириш бўйича топшириқлар берди.

Бугунги кунда Навоий вилоятида маҳаллийлаштириш дастури доирасида қиймати 1 триллион сўмга яқин 113 та лойиҳа амалга оширилмоқда. Буларнинг натижасида жорий йилнинг ўзида 100 миллион долларлик импорт қисқартирилишига эришилди.

Шу кун “Навоий” эркин иқтисодий зонасини ҳамда Навоий халқро аэропорти юк терминалини бошқариш бўйича ҳужжатлар имзоланди.

Бу маросимда Президент Шавкат Мирзиёев иштирок этиб, нутқ сўзлади.

Бугун дунёдаги геосийсий вазият ҳар бир давлатдан ўз имконият ва ресурсларидан тўғри фойдаланиш, янги савдо ва логистика йўлақларини яратишни тақозо этмоқда. Бу борада жаҳоннинг нуфузли компаниялари билан музокаралар олиб бориб, энг мақбул таклифларни ўрганаолмиз.

Мақсадимиз — мамлакатимиз экспорт салоҳиятини 2030 йилгача камида 3-4 баробарга ошириш, — деди давлат раҳбари.

“Навоий” эркин иқтисодий зонаси ҳамда Навоий халқро аэропорти sanoat ва логистика бўйича улкан имкониятларга эга. Уларда зарур инфраструктура ва тизим яратилган. Бундан самарали фойдаланиш мақсадида Бирлашган Араб Амирликларининг “DP World” компанияси билан “Навоий” эркин иқтисодий зонасини бошқариш бўйича келишув, “Terminals Holding” компанияси билан Навоий аэропорти юк терминалини бошқариш бўйича шартнома имзоланди.

“DP World” эркин иқтисодий зонасида хоржий инвесторлар талабларига жавоб берадиган халқро ҳуқуқ нормаларини жорий қилиб, йирик ишлаб чиқарувчиларни жалб этди.

“Terminals Holding” компанияси Навоий халқро аэропортининг юк айланмасини кескин ошириш ва уни йирик карго хаблари билан боғлаш билан шуғулланади. Бу ҳамкорлик Ўзбекистоннинг асосий халқро транспорт йўлақларига интеграция бўлиши ва транзит ҳажмини камида ўн баробарга оширишига салмоқли ҳисса қўшади.

Умуман, ушбу икки келишув мамлакатимизда инновацион ва юқори технологик хизматлар қўлайиши, иқтисодий тизимнинг учун энг муҳим бўлган транспорт коммуникациялари ривожланишига хизмат қилади.

— Бу икки компаниянинг Ўзбекистондаги бизнеси жадал ривожланишига тилақдوشман. Мазкур лойиҳалар давлатларнинг ўртасидаги яқин ҳамкорлик имқисини янада оширишига ишонаман, — деди сўзининг якунида Президентимиз.

Маросимда “DP World” ва “Terminals Holding” компаниялари раҳбарлари келишувлардан мамнун эканини билдириб, бу икки томон учун катта имкониятлар очиқлиги таъкидлади.

Шу билан Ўзбекистон Республикаси Президенти Шавкат Мирзиёевнинг Навоий вилоятига ташир чоти якунланди.

Зиёдулла ЖОНИБЕКОВ, Жиром АВВАЛБЕКОВ, Абдували БЎРИЕВ, Ўза мухбирлари.

Ўзбекистон Республикаси Президенти Матбуот хизмати сурати.

Ўзбекистон Республикаси Президентининг ФАРМОНИ
Н.Т.ТУРСУНОВНИ
НАВОИЙ ВИЛОЯТИ
ҲОКИМИ ЛАВОЗИМИГА
ТАЙИНЛАШ ТЎҒРИСИДА

Ўзбекистон Республикаси Конституциясининг 93-моддаси 15-банди ва 102-моддасига асосан ҳамда халқ депутатлари Навоий вилоят Кенгашининг қарорига мувофиқ **Нормат Тулкунович Турсунов** Навоий вилояти ҳокими лавозимига тайинлансин.

Ўзбекистон Республикаси Президенти **Ш. МИРЗИЁЕВ**

Тошкент шаҳри, 2022 йил 25 ноябрь

Акс садо Биз ва жаҳон ФРАНЦИЯ ЎЗБЕКISTONNING ЕВРОПАДАГИ МУҲИМ ҲАМКОРИ

Шу йилнинг 25 ноябрь куни Президентимиз Шавкат Мирзиёев Навоий вилоятида бўлди. Ташир давомидида давлатимиз раҳбари халқ депутатлари вилоят Кенгаши йиғилишида иштирок этди, sanoat корхоналари фаолияти билан танишди, янги лойиҳаларни ишга тушириш жараёнларида қатнашди ҳамда халқимиз билан мулоқот қилди.

Гулҳаё РАВШАНОВА, Навоий давлат педагогика институти талабаси: — Президентимиз бир соатдан ошмироқ вақт биз билан мулоқот қилиб, орзу-ният ва ўй-ташвишларимиз билан қизикди. Эришяётган ютуқларимиздан келиб чиқиб, бизга ишонч билдирди. Айниқса, Юртбошимиз томонидан биз, навоийлик ёшларнинг билим чўққиларини эгаллаш, халқро фан олимпиадалари ва нуфузли мусобақаларда эришган натижаларимизнинг эътирофи этилиши янги марралар сари қанот бўлади, деб ўйлайман. Мен Навоий давлат педагогика институти Математика-информатика факультетининг тўртинчи босқичида ўқиш билан бирга, вилоят “Зиёкор” аёллар ва ёшлар маркази директори вазифасида ҳам ишламоқдам. Ўтган йили МДХ давлатлари ўртасида Қозоғистон Республикасида ўтказилган “Йилнинг энг ёш олимни — 2021” халқро кўрик-танловида ғолиб бўлдим. Шу йили педагогика олий таълим муассасаларида “С++” дастурлаш тилини ўқитишга мўлжалланган электрон ўқув қўлланма Ўзбекистон Республикаси Адлия вазирлиги ҳузуридаги Интеллектуал мулк агентлигининг расмий гувоҳнома-сига эга бўлди.

Давлатимиз раҳбари вилоят ёшлари, фаоллари, кенг жамоатчилик вакиллари билан бўлиб ўтган самимий суҳбат чоғида уларнинг режа-мақсадлари, хоҳиш-истаклари, ўй-ташвишлари билан қизикди. Шу маънода, ушбу ташир навоийликлар ҳаётини яна бир янги саҳифа очди, десак, айни ҳақиқат. Бунинг қўйидаги фикр-мулоҳазалар ҳам тасдиқлайди.

Иқтисодиёти бўйича Европада 3-ўринда, жаҳонда 7-ўринда бўлган Франция Европа Иттифоқида етакчи қишлоқ ҳўжалиги маҳсулотлари ишлаб чиқарувчи ҳисобланади. Франция иқтисодиётининг бошқа йирик тармоқлари — машинасозлик (жаҳон ишлаб чиқаришининг 2,7 фоизи), кимё (жаҳон экспортининг 4-ўрин), авиакосмос, автомобильчилик, озиқ-овқат (экспорт ҳажми бўйича АКШдан кейин 2-ўринда), радиоэлек-

троника, электротехника, шунингдек, информатика ва кemasozлик. Атом энергетикасини ривожлантириш соҳасида энг илғор мамлакатлардан бири (энергиянинг 75 фоиздан ортиги АЭСдан олинади). Дунёда юзага келаётган сиёсий ва иқтисодий воқеликда Франция Марказий Осиё давлатлари билан ҳам икки томонлама, ҳам Европа Иттифоқи орқали кўп томонлама форматда ҳамкорликни фаоллаштиришга интиломоқда. Ўрта

